

ორმოქმედებიანი სპექტაკლი ფსევდორეჟისურითა და ცუდი მსახიობებით

თბილისი. ვ. ი. ლენინის სახელობის “დინამოს” სტადიონი. 12 ნოემბერი.

“დინამო” (თბილისი) – “დინამო” (მოსკოვი) 1:1.

თბილისი: აბუსერიძე, კეტაშვილი, ჩივაძე, მახარაძე, მიქაბერიძე, კაკილაშვილი, ჟორდანიას, სულაქველიძე, გუცავეი, ცაავა, შენგელია.

მოსკოვი: პრუდნიკოვი, მათიუნინი, სილკინი, ფომიჩევი, გოლოვინა, ხაჰსალისი, ატაულინი, პუდიშევი, ჩესნოკოვი, კარატაევი, გაზაევი.

30-ე ნთ. კეტაშვილი, 54-ე ნთ. გოლოვინა.

46-ე ნთ. მიქაბერიძის ნაცვლად – არზიანი, სულაქველიძის ნაცვლად – პაიკიძე, 55-ე ნთ. გაზაევის ნაცვლად – ბოროდიუკი, 81-ე ნთ. ხაჰსალისის ნაცვლად – დემიდოვი.

მსაჯი: მიროსლავ სტუპარი (ივანო-ფრანკოვსკი).

კარში დარტყმა – 21:12 (14:5), ზუსტი დარტყმა – 6:9 (3:3), საჯარიმო მოედნიდან – 4:7 (2:3).

კუთხური – 4:10 (2:6).

დაჯარიმდნენ: თბილისელები – 3 (1), მოსკოველები 11 (4).

დუბლიორები – 3:0. გოლები გაიტანეს გურულმა (2) და ცხოვრებაშვილმა.

თამაში სულ ახალი დანყებული იყო, როცა ჟორდანიამ ზედიზედ ორჯერ დაარტყა მოსკოველთა კარში – პირველი მცველმა მოიგერია, მეორე – მეკარემ, ეს იყო და ეს. მასპინძლებს მთელი ტაიმის განმავლობაში, ერთი შემთხვევის გარდა, ფაქტურად აღარც შეუწუხებიათ პრუდნიკოვი. ის ერთი შემთხვევაც სტუმართა კარისკენ დანიშნულ საჯარიმოს მოჰყვა – თბილისელებმა კარგად გამოიყენეს ეს შესაძლებლობა და კეტაშვილმა თავისიანები დაანინაურა – 1:0.

მოსკოველებმა, აქამდე სავსებით რომ ამართლებდნენ აუტსაიდერის სახელს, მხოლოდ გოლის გაშვების შემდეგ გამოიღეს ხელი, თუმცაღა ამ მცდელობას შედეგი არ მოჰყოლია – რამდენიმე სახიფათო შეტევა აბუსერიძის თავგანწირულმა თამაშმა უვნებელყო.

დაახლოებით იმავე სცენარით წარიმართა მეორე ტაიმის დასაწყისი. სტუმართა ერთ-ერთი შეტევისას, ცოტა არ იყოს, გაუგებარ სიტუაციაში შეხვედრის არბიტრმა თბილისელთა კარში თერთმეტმეტრიანი საჯარიმო დანიშნა. გოლოვინამ ზუსტად დაარტყა – 1:1. ეს იყო 54-ე წუთზე...

ის, რაც ამის შემდეგ ხდებოდა მინდორზე, ფეხბურთის იმიტაცია უფრო იყო, ვიდრე ნამდვილი სპორტული ორთაბრძოლა. ეტყობა, ფეხბურთელებმა საქმე მოთავებულად ჩათვალეს და ბურთის აქეთ-იქით გორებითლა იქცევდნენ თავს. სამწუხაროდ, არც ერთ მათგანს აღარ გახსენებია ამ სიცივეში საყვარელი გუნდის თამაშის სანახავად მოსული ათიათასობით მაყურებელი, ყურიც არ უთხოვებია ჩრდილოეთის ტრიბუნაზე შეგროვებული ბიჭების გამამხნეველები შეძახილებისთვის, მთელი ოთხმოცდაათი წუთის მანძილზე უწყვეტად რომ გაისმოდა სტადიონზე. საერთოდ დაავინწყდა ტელემყურებელი – ფაქტურად მთელი საქართველო...

ყველა იმათ, ვინც მატჩის დამთავრებამდე მიხვდა, რომ საყურებელი და საქომავო აღარაფერი იყო, უეჭველად შერცხვათ გულშემატკივრობით გართული

ბიჭებისა, ამისთანა რამეების ჯერ რომ არათფერი იყიან, იმათიც, ვისაც ჯერ კიდევ არ დაჰკარგოდა იმედი, თუმცა გარინდებული კი იჯდა ტრიბუნაზე. “დინამოს” სტადიონის მინდორზე კი, მინდორზე, რომელზეც ასობით ღირსეული გამარჯვებაც გვინახავს, პატიოსან ბრძოლაში დამარცხების სიმწარეც, მინდორზე, რომელზეც ქართული ფეხბურთის სახელს ადიდებდნენ პაიჭაძეები, ლოლობერიძეები, იამანიძეები, დასასრულს უახლოვდებოდა გულგრილი გარიგება, მართლაცდა საფეხბურთო ცინიზმი. ეს იყო საკუთარი მაყურებლის, გუნდზე გადაგებული მაყურებლის ლალატი.

საქართველოში უყვართ ფეხბურთი, უყვართ მისი სილამაზის, დინამიურობის, უაღრესად ემოციურობის გამო უყვართ და, მერე როგორ, მისი მებაირახტრე თბილისის “დინამოც”. ხალხის ასეთი სიყვარული დიდი ვალია და თუ გულახდილნი ვიქნებით, ისიც უნდა ვთქვათ, რომ კარგა ხანია ჩვენი გუნდი ამ ვალს ბევრით ვერაფრით ისტუმრებს. და მაინც წლევუს “დინამოს” სტადიონს მაყურებელი არ დაჰკლებია. არა გვგონია, მსოფლიოს რომელიც გნებავთ გუნდმა დაიკვებოს ასეთი ერთგული გულშემატკივარი. ჰოდა, მანაც კი ვერ მოითმინა. როცა მატჩის დამთავრებამდე საკმაო დრო იყო დარჩენილი, როცა მასპინძლებს, საცა წესი და რიგია, იერიში იერიშზე უნდა მიეტანათ მეტოქის კარზე. ეს ბევრის მნახველი და ბევრის მომთმენი მაყურებელი განზილებული და შეურაცხყოფილი ჯგუფ-ჯგუფად გაემართა გასასვლელისკენ. თუმცა, ნაწილი მაინც დარჩა, დარჩა მხოლოდ იმიტომ, რომ სტვენით გაეცილებინა მინდვრიდან უხეირო სპექტაკლის უხეირო შემოქმედნი.

“ლელო”, 13 ნოემბერი, 1984 წ.